



米蟲

白 siak-siak ê 米

Thài 會生出

烏金烏金 ê 米蟲？

Kā 一包米蟲剋星 khng 入去

米粒大的烏金龜 khòk-khòk chông

Beh 緊逃離米甕

竟然有 chiah 濟米蟲

藏 tī 米甕

Kap 米 ê 色緻強烈對照

Kap 米 ê 本質 tú 好倒反

竟然會 tàng 藏 tī 內底生存！

無偌久，有烏金盜甲 ê

米蟲

竟然會 tàng tī 彼包米蟲剋星頂高

趕來趕去

排烏條款 khng 落去

掃金條款 khng 落去

仝款 tī 邊仔 趲過去
Koh 趲過來

本底白 siak-siak ê 米甕
看--過去 烏 mà-mà
Ná 像 逐粒米 攏變做米蟲 ah
只好 kā 米甕 lòngh hō 破
一隻一隻米蟲
Jôe hō 伊死！

—2001/5/12 花蓮

【註解】

- ① 白 siak-siak：很白很白。
- ② thài 會：怎麼會。
- ③ khng：放置。
- ④ khók-khók chông：胡亂衝撞。
- ⑤ 趲 (sô)：爬行。
- ⑥ lòngh：撞擊。
- ⑦ jôe：揉。